

毘婆沙論

卷七十一

三百七十一

隱一

50431



元祿九年丙子二月日重修

皇圖肇固 帝潛鍛呂

佛日增輝 懋輪常轉

山城州天安寺法金剛院置

阿毗曇毗婆沙論卷第七十一

迦旃延子造 五百羅漢釋

北涼沙門浮陀跋摩共道泰譯

智捷度八道品第一



佛說學人成就八種學道迹漏盡阿羅漢

行已立成就十種無學道學人八種學道迹

幾成就過去幾成就未來現在漏盡阿羅漢

梵行已立十種無學道幾成就過去幾成就

未來現在如此章及解章義此中應廣說優

波提舍問曰何故作此論答曰為止於世中

愚言無過去未來世成就說現在世是無為

法者意故亦明過去未來行成就是實有法

隱

若過去未來行非實有者則無成就。不成就
過去未來行者如第二頭第三手第六陰第
十三入無有成就。不成就者以有成就過去
未來行故。如過去未來行是實有法。後有說
所以作論者。或有說成就非實有法。如譬喻
者。尊者佛陀提婆說成就無體。非實有法。所
以者何。若衆生不離彼法。名為成就。然不離
是分別相待和合法。無有實體。如五指聚。名
之為拳。散則非拳。若衆生不離彼法。名為成
就。若離彼法。不名成就。問曰。彼何故作如是
說。答曰。彼依佛經。佛經說轉輪王成就七寶
彼為成就。他身法及非衆生數法耶。若轉輪

王成就輪寶神珠寶者則壞法體所以者何
亦是衆生數亦非衆生數故若成就象馬寶
者則壞趣所以者何亦是人趣亦是畜生趣
故若成就玉女寶者則壞身所以者何亦是
男身亦是女身故若成就主藏主兵臣者則
壞業所以者何亦是尊貴亦是卑賤故欲令
無如是過故說成就無有實體欲止如是說
者意亦明成就有實體若成就無實體者則
違此經如說學人成就八種學道亦漏盡阿
羅漢梵行已立成就十種無學道聖人有漏
心現在前時成就過去未來現在無無漏道
故則不成就復違餘經如說此人成就善法

亦成就不善無記法若善法現在前時則離
不善無記法不應成就不善法現在前時則
離善法無記法不應成就無記法現在前時
則離善不善法不應成就復違餘經如說比
丘成就七法於現法中多住喜樂若修方便
必能盡漏無有比丘成就七法者於七法中
若起一一法現在前則成就一法若起餘法
現在前於七法中則不成就復違餘經如說
如來成就十力無有如來成就十力者若成
就一力若不成就如來於十力中若起一一
力現在前則成就一力所以者何於一刹那
中無兩慧並現在前何況多若起餘法現在

前則不成就力復有餘過凡夫人可言離三
界結離三界結人可言凡夫人凡夫人可言
離三界結者凡夫人善不隱沒無記心現在
前時則不成就過去未來現在三界結應是
離三界欲人離三界欲人是凡夫者阿羅漢
起善有漏及不隱沒無記心現在前時則不
成就過去未來現在無漏法以不成就無漏
法故應是凡夫欲令無如是過故說成就是
實有法問曰若成就是實有法者譬喻者所
引經云何通耶答曰轉輪王於七寶中得隨
意自在用故世尊說名成就復有說所以作
論者或有說成就是實有法不成就非實有

法為止如是說者意亦明不成就實有法
若不成就非實有者成就亦非實有所以者
何因不成就故施設成就如因明有闇因夜
有盡因寒有熱因不成就有成就亦不復次
不成就與成就是兩兩近相對法如貧與不
貧患與不患癡與不癡是兩兩近相對法彼
亦如是復次若不成就無實體者則無施設
有斷煩惱法所以者何聖道生時斷於煩惱
非如以石磨香聖道生時斷煩惱得證解脫
得故名斷煩惱復有說所以作論者或有說
聖道是無為法如毗婆闍婆提說聖道是無
為法彼作是說阿耨多羅三藐三菩提道是

一常住法諸佛出世盡覺悟此道譬如莊嚴
象馬之乘多人更乘人人雖異而乘常一如
是阿耨多羅三藐三菩提道是一常住諸佛
出世皆悟此道諸佛雖異其道常一問曰彼
何故作如是說答曰依於佛經佛經說我得
過去諸仙所得舊道以佛說道是舊法故言
是無為為止如是說者意故亦明道在世中
若道在世必是有為非是無為所以者何無
有無為法在於世者若道是無為法者則違
此經如說毗舍佉優婆夷往詣檀摩提那比
丘尼所作如是問道為是有為為是無為那
彼作是答毗舍佉優婆夷道是有為非是無

爲問曰若^道是有爲非無爲者毗婆闍婆提
所說經云何通答曰以五事同故說名舊道
一以方便同二以地同三以行同四以境界
同五以所作同方便同者如一佛於三阿僧
祇劫滿足六波羅蜜諸佛亦以地同者其道
盡在第四禪地行同者盡行十六行境界同
者盡緣四諦所作同者如一佛以道滅煩惱
一切佛亦以以此義通彼經若如經所說不
依義者即此經中說我曾遇舊城舊村城村
可是無爲法耶雖說城村是舊而非無爲道
亦如是雖說舊道而非無爲如偈說
若斷欲無餘如蓮華在水比丘離彼此

如蛇脫舊皮

蛇皮可是無爲法耶如是蛇皮雖說是舊而非無爲道亦如是是故爲止他義欲顯已義亦欲說法相相應義故而作此論
八種者正見乃至正定成就者問曰誰成就爲法成就爲人成就耶若法成就一切法無所欲云何成就若人成就於實義中人不可得若無有人云何成就答曰應作是說成就非法非人實義中有成就不成就而無成就不成就者實義中有縛有解而無縛者解者有煩惱有出要而無煩惱者出要者有生有死而無生者死者有業有業報而無作業受

業報者有道有道果而無修道證道果者於
實義中有成就不成就而無成就不成就者
或有說者法成就問曰若然者眼入成就十
一入十一入亦成就眼入耶答曰若作是說
眼入成就十一入十一入成就眼入而無遇
評曰應作是說成就非法非人然四陰五陰
生時有如是相似得名成就不成就尊者
和須蜜說曰一切法無所欲於無所欲法中有
何成就不成就者問曰若然者佛經云何通
如說此人成就善不善法答曰此是如來隨
俗言說而無有實問曰云何是成就義尊者
和須蜜答曰不斷義是成就義問曰若然者

具縛凡夫於一切法不斷盡成就耶。答曰不
也。不得彼法故復次不棄義是成就義。問曰
若然者學人不棄無學法成就彼法耶。答曰
不也。不得彼法故尊者佛陀提婆說曰得而
不失義是成就義。若得彼法不失是名成就。
問曰何故名學為學。學法故名學。耶為得學
法故名學耶。若學學法是學者定。捷度所說
云何通。如說學住自性。若得學法是學者佛
經云何通。如說佛告尸婆迦。學學法故名學。
答曰應作是說。學學法故名學。問曰若然者
佛經善通定。捷度所說云何通。答曰彼中說
得學法故名學。人復有說者得學法故名學。

問曰若然者足捷度所說善通佛經云何通
答曰佛經中說不捨期心不捨方便學人若
住善不善無記心而不捨趣涅槃心故名學
如人在道中路止息他人問言欲何所趣彼
人答言欲趣某方其人以不捨去心故雖任
言去彼亦如是學迹者問曰無學迹於學迹
明淨勝妙何故但說學迹不說無學迹邪答
曰應說而不說者當知此說有餘後次此說
始起初入法者已說學當知亦說無學後次
以所作各各不同故學人以道迹所作勝無
學人以解脫所作勝如王與臣所作各各不
同王以尊貴降伏所作為勝臣以執伏鬪戰

所作爲勝彼亦如是。復次學道迹能斷煩惱。猶如器仗能破怨敵。無學不介。復次學道迹能作斷煩惱方便。及斷煩惱無學不介。復次數數行義是道迹義。無學不數數行。故不名爲迹。

學人成就八種道迹。幾成就過去。幾成就未來。幾成就現在。答曰。若依有學有觀三昧有覺有觀三昧者。是未至及初禪。問曰。此中何者是。依答曰。或有說者。俱生故。是依復有說者。次第緣。是依評曰。應作是說。依彼二地起此法。故名依初者。有四種。一得正決定。二得果初三轉根。初四離欲。初得正決定。初者。

依彼二地得正決定得果初者依彼二地初
得學果轉根初者依彼二地信解脫轉根作
見到離欲初者以世俗道離欲依彼二地初
起無漏道現在前此中依四種初而作論隨
相而說學見現在前問曰學人或起非學非
無學見何故但說學人學見現在前耶答曰
心作是說或學見現在前而不說者當知學
人必起學見不起非學非無學見如所說諸
初刹那現在前無過去所以者何未有一刹
那經生滅者設有生滅以得果轉根故而捨
八未來成就修八現在成就若滅已不捨滅
者是無常滅不捨者捨聖道有三種一得果

二退三轉根若不得果不退不轉根即依彼地滅已復起現在前問曰何故依彼地滅已復起現在前耶答曰學人依彼地共煩惱戰得勝破結怨敵念其恩故復起現在前如人著鎧執仗與怨共鬪既得勝已其人後時以念恩故數數修治器仗而覆蔽之不令毀壞彼亦如是復次以四事故重起現在前一欲受現法樂故二欲遊戲故三欲觀先所作故四欲受用聖法故學第二刹那頃八成就過去是前刹那生滅者八成就未來是未來修者八成就現在是現在前者彼滅已不捨若依無覺無觀三昧學見現在前八成就過去

是依有覺有觀地生滅者八成就未未是未
來修者七成就現在是現在前者除正覺所
以者何地無正覺故彼滅已不捨依無色定
季見現在前八成就過去是有覺有觀地在
滅者八成就未未是未未修者四成就現在
除正覺正語正業正命彼地無故彼滅已不
捨若入滅定若起世俗心現在前八成就過
去是有覺有觀地生滅者八成就未未是未
未修者現在無若入滅定是時無心有心者
能修道若起世俗心現在前彼心是有漏此
中但說無漏道種若依無覺無觀三昧無覺
無觀三昧是第二第三第四禪問曰此中何

故不說中間禪耶。答曰：應說而不說者，當知此說有餘。後次已在後所說中，故所以者何？更無異種與第二第三第四禪種同，故依義如先說初者。有四種如先說學見現在前，如先說初刹那不成就過去，如先說八成就未來七現在，如先說彼滅已不捨，如先說彼依無覓無觀三昧學見現在前，第二刹那頃七成就過去，是依無覓無觀地生滅者。八成就未來七現在，如先說彼滅已不捨，依無色定學見現在前，七成就過去，是無覓無觀地生滅者。八未來四現在成就，如先說彼滅已不捨入滅定，若起世俗心，如先說彼滅已不捨。

依有覺有觀三昧學見現在前七成就過去
是無覺無觀地生滅者八未來八現在成就
如先說若依無色定無色定若空處識處無
所有處依者如先說初者只種初如先說此
中依離欲初而作論非得正決定初所以者
何無有依無色定得正決定者非得果初所
以者何無有依無色定得學果者非轉根初
所以者何無有依無色定轉學根者以世俗
道離下地欲後依彼地初起無漏道現在前
最初刹那無過去八未來四現在成就如先
說問曰如世俗無色定非不因世俗禪無漏
無色定非不因無漏禪世俗禪是世俗無色

定方便所依門無漏禪是無漏無色定方便
所依門何故說無過去耶答曰道種或有在
禪地者或有在無色地者彼雖起在禪地者
未起在無色地者是故無過去滅者是無常
滅不捨者捨聖道有三種如先說依彼地生
滅聖道後起現在前問曰何故依彼地生滅
聖道後起現在前耶答曰以念恩故廣說如
上第二刹那頃四成就過去是依無色定生
滅者八成就未來是未來修者四成就現在
是起現在前者除正覺正語正業正命彼地
無故彼滅已不捨若入滅定若起世俗心現
在前四成就過去八成就未來現在無如先

說彼滅已不捨依有覺有觀三昧學見現在
前四成就過去是依無色定生滅者八成就
未來是未來修者八成就現在是起現在前
者問曰無色定次第能起有覺有觀三昧耶
答曰不能此說說次第不說定次第此說隨
順不說定隨順彼滅已不捨依無覺無觀三
昧學見現在前四成就過去是依無色定生
滅者問曰過去有八是依有覺有觀三昧生
滅者何故說四耶答曰此中一切處唯說最
初生滅者八成就未來是未來修者七成就
現在是起現在前者除正覺彼地無故問曰
此中說何等學人答曰此中說習學次第入

一切定猶如登石上梯者先入有覓有觀三昧次入無覓無觀三昧次入無色定次入滅定次起世俗心說如是覓人若先入有覓有觀三昧次入無覓無觀三昧次入無色定次入滅定不起世俗心不說如是孺人餘如雜捷度人品中廣說十二支緣端正女人喻有四种道一苦遲慧道二苦速慧道三樂遲慧道四樂速慧道問曰應說一道謂盡苦道盡生死有道盡老死道應說二道一盡色道二盡名道應說三道一盡欲界道二盡色界道三盡無色界道應說五道謂盡色道乃至盡識道應說十一道謂盡生死道乃至盡行

道若以在身若在刹那則有無量無邊道何
故世尊於一道廣說四道於無量無邊道略
說四道云何施設立四道耶答曰以三事故
一以地二以根三以人揔而言之以三事應
以二事或以地以根或以地以人以地以根
者依未至中間三無色定鈍根人所行道是
名苦遲慧道即依此地利根人所行道是名
苦速慧道依根本禪鈍根人所行道是名樂
遲道即依此禪利根人所行道是名樂速慧
道是名以地以根以地以人者依未至中間
禪三無色定賢信信解脫時解脫人所行道
是名苦遲慧道即依此地堅法見到非時解

脫人所行道是名苦速慧道依根本禪堅信
信解脫時解脫人所行道是名樂遲慧道即
依此禪堅法見到非時解脫人所行道是名
樂速慧道是名以地以人

問曰四道體性是何答曰是五陰四陰性若
在禪地是五陰在無色定是四陰此是四道
體性我相物分

已說體性所以今當說何故名道道是何義
趣向正義是道義趣向涅槃地義是道義苦
遲慧道者問曰無漏道非苦受不與苦受相
應何故名苦耶答曰諸邊無色道難生故名
苦根本禪道易生故名樂云何諸邊無色道

難生耶答曰欲界煩惱及業繫縛故多用功
乃生未至禪如人被縛多用功力乃能自解
彼亦如是或有修不淨觀生彼地者或有修
安那波那念生彼地者修不淨觀者或於十
年或十二年中常觀白骨或有能生彼地者
或不能生者修安那波那念者若於十年若
十二年中常數息或有能生彼地者或不能
生者已離欲愛不多用功能起初禪現在前
行禪異心心數法滅異心心數法生滅鹿心
生細心竟俱心滅觀俱心生如人以木析木
多用功然後乃析初禪亦介異心心數法滅
異心心數法生鹿心滅細心生竟俱心滅觀

俱心生已離初禪欲不多用功起第二禪現
在前第三第四禪亦如是問白離第四禪欲
亦不多用功起無色定現在前何故名苦道
耶答曰無色定是微細法或有言無無色定
者如多毗婆居士往詣尊者阿難所作如是
問尊者阿難我是在家之人長夜樂著色聲
香味觸聞說無色衆生心生怖畏如臨大坑
云何名衆生而無有**色**根本禪是樂道如二
人俱至一方一從水道一從陸道雖俱至一
方從水道者樂非陸道者諸衆生離欲亦如
是或依諸邊無色定或依根本禪雖俱得離
欲依禪者樂非諸邊無色定後次有二種樂

改名樂謂受樂猗樂三禪中有猗樂受樂等
四禪雖無受樂而猗樂多勝餘地二種樂復
次有二種樂故名樂謂舊樂客樂舊樂者住
禪起禪現在前客樂者住禪起無色定現在
前餘說禪樂相如上四禪中廣說問曰何故
若遲答曰以得此道不能速至涅槃城故名
遲問曰何故名速答曰以得此道能速至涅
槃城故名速問曰若不速至名遲疾至名速
者有信解脫人速至勝見到者若信解脫人
精勤見到人不精勤則信解脫人速有所至
非見到者如偈說
不放逸放逸 睡眠寤寐者 猶如利鈍馬

前發者先至

猶如二人俱至一方一乘疾馬一乘鈍馬雖

乘鈍馬以前發故先有所至如是信解脫人

勤行精進先至涅槃見到人不勤精進故後

至涅槃答曰此中說等行精進者若等行精

進見到者則先至問曰此四道是中陰五陰

惟何故說名慧耶答曰此道雖是中陰五陰

性以惠偏多故名慧道如見道是五陰性以

見偏多故名為見道見道邊等智是五陰四

陰性以智偏多故名智金剛喻定是五陰四

陰性以定偏多故名定四道亦亦是五陰四

陰性以慧偏多故名慧道云何若遲慧道如

經說比丘厭惡五取陰是名苦遲慧道問曰
此道緣四諦何故世尊唯說緣苦諦耶答曰
應說緣四諦而不說者當知此說有餘後次
此說如初入法為說緣苦諦當知亦說緣餘
諦後次佛經說四道方便不說四道體四道
方便道中作如是厭惡觀集法經中後說云
何苦遲慧道答曰非根本禪所攝鈍五根是
也云何苦速慧道答曰非根本禪所攝利五
根是也云何樂遲慧道答曰根本禪所攝鈍
五根是也云何樂速慧道答曰根本禪所攝
利五根是也問曰此道是五陰四陰性何故
但說是根耶答曰此中說最勝者五根性是

巧不能成。大事故問曰：為有中根，不若者。此中何故不說耶？若無者，佛經云：何通如說。諸衆生隨世而生，隨世而長，有下根者，有中根者，有上根者。其上根者，煩惱微薄，易可教化。若不聞法，則退失善根。答曰：應作是說：無有中根。所以者何？見道有二種：一、堅信道；二、見法道。修道中亦有二種：一、信解脫道；二、見到道。無學道中亦有二種：一、時解脫道；二、不時解脫道。以無第三道故，無有中根。問曰：若然者，佛經云：何通？答曰：受化見聖諦者，或有在中，或有在中，或有在中，或有在中。若在初，或有在中，或有在中，或有在中。若在後，或有在中，或有在中，或有在中。若在後者，名下根。依次受化見聖

諦者有近有遠或有近亦遠者近者是利
根如憍陳如等遠者是鈍根如須跋陀羅等
不近不遠是中根如舍利弗目犍連等後有
說者有中根問曰此中何故不說那答曰已
說在先所說中若說下根時中根則在上根
中若說上根時中根則在下根中是做尊者
瞿沙作如是說中根為在何處答曰在下中
所以者何上中下者名中後次在上中所以
者何下中上者名中後次俱在二中評曰如
是說者好所以者何佛亦是堅法人辟支佛
亦是堅法人聲聞得波羅蜜者亦是堅法人
彼根盡等耶以於一道有三種根故經作是

說以無第三道故阿毗曇者則說無中根是
故二說善通集法經後說修行廣布苦遲慧
道能滿足苦速慧道修行廣布樂遲慧道能
滿足樂速慧道問曰此說何者滿足為說滿
足根為說滿足離欲耶若滿足根者苦遲惠
道則滿足二速惠道樂遲慧道亦滿足二速
慧道苦滿足離欲者則遲道滿足遲道速道
滿足速道答曰應作是說滿足根所以者何
彼經說相似法滿足不說不相似法滿足苦
道與苦道相似樂道與樂道相似
問曰誰成就幾道答曰或一或二誰一耶答
曰未離欲界欲鈍根者成就一苦遲道已離

欲界欲成就二謂樂遲道未離欲界欲稱根
 者成就一苦^速道已離欲界欲成就二謂樂
 速道尊者僧伽婆修說曰有盡成就四道者
 如依根本禪轉根住無礙道時不捨二鈍道
 已得二利道不應作是說所以者何若作是
 說則壞根壞人壞根者亦是鈍根亦是利根
 壞人者亦是信解脫亦是見到
 阿毗曇毗婆沙論卷第七十一
 隱

捲反正作拳巨負舍佉下去迹跡字怨敵上音
 徒的鎧口咳反頃傾領梯他橙方反鈍徒困反
 析析先擊反分猗樂上於離反身寤寐上音
 密二評曰也舊音平議也量
 又密二評曰也舊音平議也量



